

KNI



STRATEGI 2023 - 2026



IMAI

Aallaqqaasiut

Periusissiapi illutaa

Atugassarititaasut

Siunertat

Periusissiornermi qulequttat

Suliassap piffissalorsornera

Aningaasaqarneq

KNI-mi siulersuisut, aqtsisut sulisullu suleqatigiinnerisigut
periusissiaq suliaavoq.



AALLAQQAASIUT

KNI-p maannakkut periusissiaa 2013-imi tunngavilerneqarpoq, taamanikkut suliffeqarfiup naleqartitai (akisussaassuseq, nutaamik eqqarsarneq, suleqatigiinneq, pisisartunik qitiutitsineq) ilaatigut pilersinnejarlutik. Pingarnertut siunnerfik tassaasimavoq imminut akilersinnaasumik pisisartullu pisariaqartitaannik paasinnilluni ingerlatsinissaq. Siunnerfik tamanna periusissiorluni aallarteqqarnermiit periusissiani kingullerni marlunni ingerlateqqinnejarpoq, tassalu pisisartut pisariaqartitaat inuaqatigiinnilu ineriertorneq annertuumik eqqummaariffingeqarlutik pingartinnejeqarnikuullutik. Tamanna KNI-p takorluugaani takuneqarsinnaavoq:

Pisisartuvut kalaallillu inuunerat ilorleq isumassarsiorfigalutigit nunatsinni tamarmi inuunermik pitsaanerulersitseqataassaagut piujuartitsisumillu ineriertortitsissalluta.

KNI taamatut periusissiornermini arlalippassuartigut iluatsittumik ingerlatsinikuuvog suliffeqarfillu ullumikkut kalaaliussutsimik annertuumik peqarluni kiisalu sumiiffinni inuuniarnermi nunatsinnilu sumiiffipassuarni inuunermut qitiulluinnarluni inissismalluni. Taamatullu inissisimanerput attatiinnarumavarput.

Sulanulli pissusissamisuunngitsunut tunngasut arlariit ukiuni kingullerni tamakkiisumik ingerlatalaralugit suliarineqartariaqarsimapput, taamaattumillu suliniut ilarpassui uninngatinnejartariaqarsimallutik. Suliffeqarfiup naatsorsuutaanik torersaassinermi paasineqarpoq suliffeqarfiup ilaani pitsasumik niuernikkut ingerlatsinissaq aningasat naammattut pisariaqartinneqartut angusarineqarneq ajortut. Suliat tamakku inuaqatigiinnit annertuumik malinnaavigineqarput suliffeqarfillu isigineqarneranut, uppermassusaanut sulisullu naammagisimaarininnerinut pitsaanngitsumik assut sunniuteqarsimallutik.

Periusissiamti nutaami KNI-p niuernermi ingerlataani ajornartorsiutit sunniuteqarnerpaajusussat suliffeqarfimmillu ineriertortitsiseqqinnissaq immikkut sammivavut. KNI nukitorsassavarput, taama illilluni suliffeqarfiup inuaqatigiinni sumiiffinni tamani pingarnertut suliassami suliarinissaanut sakkussaqarluarsinnaalersillugu. Periusissiornermi suliassat KNI-mi ingerlatat tamarmik aningaasarissaarnerunissaannut iluaquataassapput - nioqquteqarnermik ingerlatsivik immikkut samminerullugu - taamatullu suliaqarnermi illutinik iluartsartuussinissaqut kinguaattoorutit angummaffiginiarneqassapput suliffeqarfillu illuutaanik ikilisaasoqarluni. Sunniuteqarluarnerusumik ingerlatsinissaq niuernermillu ingerlatanik nutaanik ingerlatsiniarneq pisariaqarpoq aammali niuernermik ingerlatanik ineriertortitsissagaanni IT-qarnermi atugassanik aamma nutarsaasoqartariaqarluni. Suliat tamakku saniatigut sulisut suliaminnik suli nuannarininnerulernissaat sulissallu eqqortut suliernissaat sulisooreersullu suliinnarnissaat anguniarlugu suliniutit assigiinngitsut suliniutigineqassapput.

Inuaqatigiinni allanngoriartortoqarpoq, taamaattumillu KNI-mi aaqqissuussisimanerput suleriaaserisartakkavullu aamma sunnernejarlutik, allanngoriartortoqarnerali aamma nutaanik periarfissiivoq. Aaqqissuussineq eqqarsaatigalugu siunissamut ungasinnerusumut isigisumik KNI aaqqiisseqartassaaq aammali inuaqatigiinni allanngoriartortoqarnerani periarfissat nutaat takkusuuttut atorluarnerunissaannut tappinnerusariaqarluni.

Ukiorpssuit ingerlanerini KNI-mi ineriertortissimasavut pitsasut attatiinnassavavut aammalu ajornartorsiutit nalaakkumaakkavut angusaqarluarfiusussamik siunnerfeqarluta aaqqiivigisarumaarlutigit. Tamanna aamma isumaqarpoq suliffeqarfimmik uummaarinnerusumik allanguinissamik kiisalu qanoq suleriaaseqarnitsinnik eqqarsaatiginneqqinnissaminut sapiutinngitsumik pilersitsissasugut.



PERIUSISSIAP ILLUTAA

TAKORLUUGAQ

Pisisartuvut kalaallillu inuunerat ilorleq isumassarsiorfigalutigit nunatsinni sumiiffinni tamani inuunerissaarnissamik piujuartitsisumillu ineriertortitsinissamik pilersitsissaagut

ANGUNIAKKAT

Aningasaqarneq
oqimaaqtigissoq

Suliffik
uummaariffiusoq
originartoru

Allanngoriartortoqar-
neranut nukittunerusumik
tunngavissaqartitsineq

Naleqqussaanikkut
nutaaliornikkullu
siuariartorneq

Inuaqatigiit
peqqinnerusut
annerusumillu
pijuartitsiviusut

SAMMISAT

Atugassarititaasut

Ingerlatsinermi
pitsangorsaaneq

Isertitassat nutaat

Qarasaasiakkut
suleriuseqaleriar-
torneq, Suleriutsit,
Nakkutilliinerit

Sulisut aamma
sulisoqarnermut
immikkoortor-
taqarfik

Inuaqatigiinni
akisussaaqataaneq -
CSR

SULIASSAQ NALEQARTITAT

Pisisartunik qitiutitsineq Akisussaassuseq Nutaamik eqqarsarneq Suleqatigiinneq

Suliassaraarpot pisisartunut, sulisunut, inuaqatigiinnilu ineriertornermi nuannaarutaasumik iluaqutaasumillu niuernermik kiffartuussinissamillu ingerlatsinissaq nerisassanillu nunatsinneersunik nioqqutissiorissaq

TUNNGAVIISATUT PIUMASAQAATIT

KNI-p iluani avataanilu atugassaritaasut KNI-p ingerlataanut tamanut sunniuteqartarpuit



SULIFFIUP ILUANI ATUGASSARITITAASUT PINGAARNERIT

Iluarsaassinissamut kinguaattoorutit

Nioqquteqarnermik ingerlatsivimmi iluarsaassinissamut kinguaattoorutit 500 mio. kr. missaanniittutut nalilerneqarpoq. Iluarsaassinissamut kinguaattoorutinut akissat isertitatigut pissarsiarineqassapput. Iluarsaassinissamut kinguaattoorutit ukiut 30-t ingerlanerini ikilisarnissaannut nioqquteqarnermik ingerlatsivimmi ukiumut 81 mio. kr.-nik aningaasaliinissaq pisariaqarpoq, tamannalu isumaqarpoq nioqquteqarnermik ingerlatsivik ukiumut 81 mio. kr.-nik sinneqartoortarnissaa pisariaqartoq.

Ikummatissaqarnermik ingerlatsivimmi iluarsaassinissamut kinguaattoorutit 300 mio. kr.-it missaanniittutut nalilerneqarpoq. Kinguaattoorutit ukiut ingerlanerini atuisut aklissagaat Namminersorlutik Oqartussat akuerinikuuaat, taamaattumillu kinguaattoorutit angummaffiginiarnissaannut piffissaliussaq qanolu sinneqartoortiginissaq kiffartuussinissamik isumaqatigiissummi nassuarneqarput. Kinguaattoorutit 2025-mi angummaffigineqarnissaat 2032-mut sivitsorneqarpoq, ukiumullu sinneqartoortissatut 58 mio. kr.-it piginnittunut isumaqatigiissutigineqarpoq.

Sulisussarsiniartarneq

Sulisussarsiniartarneq suliffeqarfimmi tamarmi ajornartorsiutaavoq, ajornartorsiulli pisiniarfinni annersaavoq, tassami niuertut assut taarseraapput. Ajornartorsiut tamanna aaqqiiviginiarlugu piaqarpoq 1) ilinniartitsinermik ingerlataqartuarneq, 2) niuertut suliassat qarasaasiakkut sularineqarsinnaanngortillugit oqilisaaneq suliassallu ilai kiffartuussivimmut nuullugit 3) atorfekartitaanermi atugassaritaasunik nalinginnaasumik pitsangorsaaneq.

Qarasaasiakkut suliaqarsinnaaneq nutarsaavigineqarsimangitsoq

Qarasaasiakkut suliaqarsinnaaneq ullutsinnut naleqqutinngilaq, taamaattumik suliassat nammineerlutik ingerlasalernissaannut suleriaatsinik niurnermilu ingerlatsinermi suleriaatsinik pisariillisaanissamut kiisalu pitsaassutsip qaffannissaanut nakkutilliinerup annertusarnissaanut piffissap periusissiorfiup nalaani immikkut suliaqarfingeqartariaqarpoq aningaasaliiffigineqartariaqarlungu

SULIFFIUP AVATAANI ATUGASSARITITAASUT PINGAARNERIT

Inuit nutsernerat

KNI-p sumiiffinni tuniniaalluni ingerlatsivianinngaanniit pisisartut 1 %-iit allamut nuuttarput, taamattoqarneranilu nioqquteqarnermik ingerlatsivik ukiumut 2,5 mio. kr.-it missaanniittunik annaasaqtarpooq. Isertitassaraluit tamakku isertinneqanngitsoortartut kiffartuussinermi isumaqtigiissutikkut Namminersorlutik Oqartussanit matussuserlugit akilerneqarneq ajorput, matussusiinissamulli akit qanoq qaffanneqarsinnaatiginerat kiffartuussinissamut isumaqtigiissutikkut killilersimaarneqarput.

Attaveqaasersuutit

2024-mi mittarfeqariaatsikkut nutaamik aaqqissuussisoqarpat tamanna KNI-p uuttuitigisartagaanut sisamanut pitsaanngitsumik sunniuteqassaaq:

- Inuit nutsernerat sukkatsissaq, tassami Kangerlussuup Narsarsuullu ilaatigut 2024-mi suli inuerukkiartornerunissa naatsorsuutigineqarpoq.
- Kangerlussuarmi Narsarsuarmilu Mittarfeqarfiiit nioqqutissanik ikummatissamillu pilersuinerisa ilaat KNI-mit tiguneqarnissaat naatsorsuutigineqarpoq.
- Nuummi Ilulissanilu timmisartup orsussaanut ikummatissaasivissanik pilersitsisoqassaaq.
- Takornariat amerlippata umiarsuarnut takornariartaatinut ikummatissamik tunisaqarnerunissap amerlasuukkaanillu tunisaqarnerulaalernissap kinguneranik inuiaqtigiinni aningaasaqarnerup siuariarfiunissa naatsorsuutigineqarpoq.

Inatsisit

KNI-p amerlasuukkaanik aamma pisiniarfinni nioqquteqarnissa, aalisakkanik imarmiunillu nioqqutissiorneq, toqoraaveqarnikkut nerisassanillu allanik nioqqutissiorneq kiisalu nunaqarfinnun immakkut assartuineq ilaasunillu angallassineq KNI-mut tunngatillugu peqqussutip nammineerluni killiliifigaa. KNI-lli ingerlataqarsinnaanera nunap immikkoortuini aalajangersimasumi taamaallaat ingerlanneqartussanngorlugu aaqqitaangnilaq. Tassa imaappoq, illoqarfinni anginerusuni ulluinnarni nioqquteqartussanik pisiniarfinnik pilersitsisinnaaneq aporfissaqartinneqanngilaq.

Poortutissat pillugit nalunaarut nutaaq KNI Engrosip immiaaqqanik sodavandinillu siuttuulluni tuniniaasuuneranut sunniuteqarsinnaavoq. Poortutissat pillugit nalunaarut naapertorlugu immiaaqqanik sodavandinillu qillertuusaniittunik tuniniaasoqarsinnaalissaq, nassiusuisarnerlu Nuummingaanneerunnaarluni Danmarkikkoortalissammat amerlanernik noqqaasarfittaartoqarnissa naatsorsuutigineqarpoq.

Piginnittut periusissiaat

Piginnittut periusissiaat ilaatigut tunngavissatut isumaqtigiissutigut kiffartuussinissamillu isumaqtigiissutigut atortuulersinnejartarpooq. Piginnittunut akiliutissaaq ikummatissaqarnermik ingerlatsivimmi kiffartuussinissamik isumaqtigiissummi aningaasartalerneqartussaq eqqaassanngikkaanni kisitsisit najoqquattassat allanngorarnerinut tunngatillugu piginnittut allanik piumasaqaateqanngillat.

Tunngavissatut isumaqtigiissummi aalajangerneqarpoq:

- Nioqquteqarnermik ikummatissaqarnermillu ingerlatsiviit akunneranni aningaasatigut nuussisoqarsinnaangnilaq.
- Suliffeqarfiiit, aaqqissuussaanerit pisortallu suliffeqarfutai allat sullillugit kiffartuunnissaannut KNI isumaqtigiissusioqquneqarsinnaavoq. Isumaqtigiissutit tamarmik ingerlatsinermut piumasaqaatinik imminut illorsinsinaasumik isumaqtigiissutigineqartassapput minnerpaamillu KNI-p kiffartuussinermi ataatsimoorullugu ingerlatsineranut matussusiisinaasassallutik.

KNI-p Namminersorlutik Oqartussanut kiffartuussinissamik isumaqtigiissutaa kiisalu KNI-p ingerlataasa nalunaarsorsimaffiat ilangussami C-mi sukumiinerusumik atuakkit.

ANGUNIAKKAT

ANINGAASAQARNEQ OQIMAAQATIGIISOOQ

KNI-p aningaasaqarnera ataqatigiissuussaaq oqimaaqatigiillunilu. KNI-p suliassani pingaarcerit siunissami ungasinnerusumi aamma suliarisassappagit aqquusersuutinut, systeminut sulisunullu aningaasaliinissatsinnut naammattunik sinneqartoortarnissarput pisariaqarpoq.

KNI illuutimi ikummatissaasivimmilu iluarsaannissaannut ullumikkut assut kinguaattooqqavoq. Siunissami suliffeqarfimmut iluaqutaasussanik suliassat qarasaasiakkut suliarineqartalernissaannut aningaasaliinissaq aamma pisariaqarpoq. Siunissami ungasinnerusumi iluarsaassassinamut kinguaattooqqittoqassanngippat KNI-p nukittuumik aningaasaqarnissa pingaaruteqarpoq.

KNI aningaasaqarnermigut ajornartorsiorpoq ajornartorsiorpoq - pingartumik nioqquqteqarnermik ingerlatsivimmi - qanorlu iliuuseqanngikkutta pissutsillu akueriinnarlutigit, taava suliffeqarfiup aningaasaqarnera oqimaaqatigilernavianngilaq. Oqimaaqatigiinngittooqassappallu kinguaassatta suliarisariaqaligaannik akiligassanik allanik nutaanik aamma pilersoqassaaq.

Suliffeqarfiup akiligassai piginnittunullu akiliutissat matussusernissaat isumagisinnaasariaqarpavut.

Aningaasaqarnermik oqimaaqatigiissumik oqaraangatta tamanna isumaqarpoq suliffeqarfiup pingarnertut anguniagaasa pisussaatitaaffiisalu eqquutsinnejarnissaannut sinnilimmik isertitaqassanngitsugut.



SULIFFEQARFIK UUMMAARIFFIUSOQ ORNIGINARTORLU

Uummaariffiusumik allannguutinullu tikulluaqqusisutut suliffeqarfiumujumavugut kiisalu siunissamut qaninnerusumut aaqqiissuteqartarnerit pinnagit siunissamulli ungasinnerusumut isigisumik pingaarnersiuilluta siunnerfeqarlularlatalu aaqqiissuteqartarumalluta.

KNI peqqinnartumik pilersitsiviusumillu suliffeqarfiusutut ilisimaneqassaaq kiisalu pilersuisussaatitaanermi suliassat ingerlatsiviit sumiifillu tamarmik suleqatigiilluarnermikkut ingerlatsivigisisartagaat.

Suliffeqarfimmik aqutsisut peqataatitsinermikkut akuersaarnermikkullu kajumissaarisaraangata sulisut suliffimminni atugarissaarnerusartut upperaarpuk - aamma isumassarsiat pitsasut saqqumminneqarnissaannut tusarnaarneqartarnerisigut.

Assigiinngitsorpassuartigut iliiniagaqarsinnaatitsinikkut pikkorissarsinnaatitsinikkullu ulluinnarni ingerlatsinermi suliassat suliarinissaannut piginnaanngorsaasoqarnissaa pingaartillugu ingerlanneqarpoq, tassami pisisartut assigissaarnerusumik misigisaqtarnissaat sulisullu tunniusimasut KNI-mi atorfimminni qaffakkiartorsinnaanissaat qulakteerusupparput – sumiluunniit najugaqaraluarunik qanorluunniillu atorfefqaraluarunik.

KNI-p suliffeqarfittut avammut nittarsaannerani suliassavut isumaqarluartutut inuiaqatigiinnullu pingaarruteqartutut, suliffimmik avatangiiserissaarfiusutut iliiniartitaanernillu piginnaanngorsarfiusinnaasunik ingerlataqarnerput saqqummiuttarparput.



ALLANNGORIARTORTOQARNERANUT NUKITTUNERUSUMIK TUNNGAVISSAQARTITSINEQ

*Pingaarnertut suleriutsitta suliffeqarfiullu suliassaataasa qarasasaasiakkut
suliarineqartarsinnaangornissaannut ineriartortitsinikkut pissutsinut allanngoriartortunut
KNI-p pitsaanerusumik toqqammaveqarnissaa pilersissavarput, taamalu ililluta niuernikkut
ingerlatat siunissamilu siuariartorfissat anguneqarsinnaalluartunngortillugit.*

Suliffeqarfiup niuernermi ingerlataani suliaqarnissamut qarasaasiakkut suliaqarsinnaaneq
inorsarnikuummat KNI-mi allanguisinnaaneq ukiorpassuarni ajornakusoorsimaqaaq,
tamannalu siunissami ineriartornissamut akornutaasimavoq.

Allanik isertitaqarsinnaalernermi niuernermilu nutaanik ingerlataqarsinnaalernermi
periarfissaqaleraangat atorluaasassaagut. Taamaattumik suliassat qarasaasiakkut
suliarineqartalernissaannik niuernermilu suleriaatsitta ineriartortinnissaannut
pitsaanerusumik aaqqiissuteqartarnissaq ujartussavarput.

Nakkutilliineq aamma niuernernek nutaalialiasunik tunngaveqarluni ingerlatsinissamut
aqqtissiuisussaq qulakkiigassaraarput.



NALEQQUSSAANIKKUT NUTAALIORKULLU SIUARIARTORNEQ

*Niuernermi pingaarnertut ingerlatareriikkatsinnik nutaatullu
ingerlatilerumaakkatsinnik ineriertortitsinitigut siuariartortitsissaagut.
Pitsaanerpaamik aaqqiinissaq avataaneersunik suleqateqarluni aatsaat
pisinnaappat isumaqtigissusiortarnikkut ajornannngippalli nammineerluta.*

Inuaqtigiusugut kulturerpullu nunarsuarmiit avatitsinni pisuniit sunnerneqaleraluttuinnarpoq isumassarsiornerlu avammut sammileriartorluni, taamaattoqarneranilu periarfissanik, pisariaqartitanik ajornartorsiutinillu nutaanik atugassaqtitsiuarpooq. Tamanna atugassarititaasutut peqqissutsimullu ersetitut isigaarput.

KNI Engros immikkut qitiutillutigu siuariartortitassatsinni kaaviaartitatta qajannaannerusumik aaqqiiviginissaannut ineriertortitsissaagut - taama ililluta kiffartuussinitta unammillernittalu nukitorsarnissaannut suleqateqartassalluta.

Atsat atortussallu nammineq ineriertortitavut siunnerfeqarlularluta nutaaliorlatalu ineriertortittuarpavut. Nioqqukit KNI-mi nammineerluinnarluta ineriertortittakkavut nunarsuarmiooqataanerput, ulluinnarni inuunerput kulturerpullu isumassarsiorfigalugitigit ingerlattarpavut.

Nioqquissiatsinnut pingasunik piumasaqaatitaqarpoq: Ullutsinnut naleqqutuullutik iluaqtaasinnaassapput nuannaarutaallutillu kiisalu KNI-p isigineqarneranut unammillerneq eqqarsaatigalugu pingaaruteqassapput.



INUIAQATIGIIT PEQQINNERUSUT PIJUARTITSIVIUNERUSULLU

Nunatta pitsaanerulernissaanut nukittunerulernissaanullu KNI tunniussaqaqataalluni suleqataassaaq - nammineq suliaqartarnermigut aammali assigiinngitsunik amerlasuunik suleqateqartarnermigut.

Pilersuinermik ingerlataqarnitsigut innuttaasut inuiaqatigiillu ulluinnarni inuuniarnerminni toqqammavissaannik ingerlataqarfisatsinni pilersitsisarpugut - suliassaq qanorluunniit angitigigaluarpat sumiikkaluarpalluunniit. Taamatut ittoqarnerani peqqissuseq piujuartitsinerlu qanoq suliaqarfigissanneripput tunngavilerneqarpoq siunnerfilarneqarlunilu.

Kikkut tamarmik peqqissuunissaminnut inuunerissaarnissaminnullu pisinnaatitaaffeqartut isumaqarpugut kiisalu tamanna inuiaqatigiit piujuartitsiviusumik ineriaartornissaannut tunngavilliunnartuusoq. Taamaattumik inuiaqatigiit peqqissuunissaannut assorsuaq tunnusimalluta suleqataaffigaarput. Suliassaq tamanna imaaliallaannagassaangilaq sivisuumillu suliarisariaalluni, uagullu taakkoorusuppugut suliassami tamatumani siuttutut ingerlataqartuusut. Peqqissutsimut eqqarsaatersorluarluta isummertarpugut: Kalorianik kisitsineq annerusumik pineqarani kisiannili inuunitsinni timitta aalatinnerunissaa eqqarsartaatsikkullu oqimaqaqtigissumik inuunissamut isumassarsiortitsinissaq annerusumik pineqarpoq.

Peqqissutsimut suliniutivut kulturitsinut pingaartitatsinnullu naapertuutumik ingerlattassavavut, pisisartuvut sulisuvullu taama ilillutik isumassarsiortsinnaatillutigit siunnersuutitalu ulluinnarni peqqinnarnerusumik inuuneqarnissaannut piviusorsiortumik siunnersuutitsialattut isigniassamatigit.

Peqqinnissamut suliniutitta saniatigut piujuartitsinissaq pillugu suliffeqarfitsinni tamani aamma suliaqartarpugut. Ikililerisarpugut, atorunnaarsikkiartuaagaqartarpugut, nukissiuutinik atorluaaniartarpugut kiisalu piujuartitsinissaq siunertalaralugu qarasaasiakkut suleriaatsinik atuutsilsertarpugut nioqqtittalu plastikklinik puullit utertinneqarsinnaanerinut aaqqiisseqartarluta.



PERIUSISSIAT QULEQUTAAT

Periusissiamit suliniutissat quelequttat immikkut sammineqartussat arfinilinnut immikkoortiterneqarput. KNI-p periusissiamik suliaqarnerata nalaani quelequttat tamarmik suliniutinik assiginngitsunik imaqarput. Suliniutit nalunaarsornerat qanorlu piffissalerneqarnerat aningaasalersorneqarnissaallu ilanggussami A-mi takuneqarsinnaapput kiisalu suliniutit tamarmik nassuarneqarnerat ilanggussami B-mi atuarneqarsinnaallutik.

SAMMISAQ TUNNGAVISSLUT PIUMASAQAATIT

KNI-p periussissiamik suliaqarnerata nalaani qanoq iliuuseqarsinnaanera tunngavissatut piumasqaatinit annertusitinneqannigkunni annikillineqarpoq. Sunniuteqartussallu tassaapput suliffeqarfiup iluani tunngavissatut piumasqaatit oqaluttuarisaanermut tunngassuteqartut imaluunniit tunngavissatut piumasqaatit avataaneersut KNI-mut sunniuteqartussat, taakkulu tamaasa isummerfigisariaqarpavut.

Taamatut eqqummaariffiginnilluni suliniuteqarniarnermi matuma kingorna taaneqartunik pingarnersiuiffiussaaq:

Ateq	Immikkoortortaq akisussaasoq	Pingaarnersiuin eq
KNI ataatsimoorfusoq	Qullersaqarfik	1
Nioqquuteqarnermik ingerlatsivimmi iluarsaassassinissamut kinguaattoorutinik ikilisaaneq	Illuutinut sanaartukkanullu immikkoortortaqarfik	1
Ikummatissaqarnermik ingerlatsivimmi iluarsaassassinissamut kinguaattoorutinik ikilisaaneq	Polaroil	1
Poortuutissanut peqqussut nutaaq imigassanillu aalakoornartulinnik pisiniarfiit ilaasa tuniniaanerat	Qullersaqarfik	2
Timmisartunut mittarfittaartornissamut naleqqussaaneq	Qullersaqarfik	2
Aningaaseriviit siunissami aningaasalersuinissaannut qulakkeerinninneq	Aningaasaqarneq	2
Aningaasaqarnikkut aaqqissugaanermik piginnittunullu akiliutissanut politikkimik pitsangorsaaneq	Aningaasaqarneq	3





SAMMISAQ INGERLATSINERMI PITSANNGORSAANEQ

KNI oqimaaqtigiissumik aningasaqaqlissappat niuernermik ingerlateriikkatta pitsanngorsaaviginissaat pisariaqarpoq, tamannalu pitsanngorsaanikkut aningaasartuutikillisaanikkullu anguneqassaaq.

Taamatut suliaqarnissami niuernikkut ingerlatatigut naleqqussaanikkut imaluunniit suliaqariaatsitsinnik pitsanngorsaarnikkut atugassarititaasunik sapinggisamik atorluaasussangornitsigut pisinnaavoq. Kaaviaartitat isertitallu sunnerneqannginnissaannut kiffartuussinermik naleqqussaanissaq oqimaaqtigiissoq angussallugu pingaaruteqarpoq.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoorttaq akisussaasoq	Pingaarnersi uineq
Pitsaanerusumik pisiortortarnissamik aaqqissuussineq	Nioqquqteqarnermik ingerlatsivik	1
Nioqquitit qiniataagassat tuniuminaatsullu ikinnerusut	Nioqquqteqarnermik ingerlatsivik	1
Sanaartukkanik sunniuteqarnerusumik ingerlatsineq	Illuutinut sanaartukkanullu immikkoorttaqarfik	2
Pisiniarfinni kiffartuussinermik naleqqussaaneq pitsanngorsaanerlu	Nioqquqteqarnermik ingerlatsivik	2
Noqqaasarfinnut akiligassat aningasaalersorneqarnerat	Aningaasaqarneq	3
Engrosimi akeqartitseriaatsimik nioqquqteqarnermik naleqqussaaneq	Nioqquqteqarnermik ingerlatsivik	3

SAMMISAQ ISERTITASSAT NUTAAT

KNI oqimaaqtigiissumik aningaasaqalissappat niuerermik ingerlataareersut pitsangorsarnissaannaat naammangilaaq. Nutaanilli kaaviaartitsissutissanik isertsissutaasussanillu nutaanik pisariaqartitsisoqassaaq. Qulequttami tamatumani KNI-p niuernikkut ingerlateriigaani tunngaveqarluni suliniutnik suliaqarneq ingerlanneqassaaq kisiannili tunisaqarnerunissamik nutaanik pisisartortaaarnissamik nutaanillu tuniniaaveqalernissamik ineriertortitsinissamik siunnertaqarfiussalluni.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaerner siuineq
Pisiniarfinni siuariartorneq	Nioqquteqarnermik ingerlatsivik	1
Pingaarutilinnik Engrosip suleqatigisartagassaanik isumaqtigiissusiorneq	Nioqquteqarnermik ingerlatsivik	1
Nuummi nutaamik quersuartaarnissamik nalilersuineq	Nioqquteqarnermik ingerlatsivik	2
Meqquaalik aamma KNI-mi ilusilersukkat pissarsiarneqarsinnaanerat annertusarlugu	Nittarsaassineq	2
Allamut sullissinissamut isumaqtigiissutinik nutarterineq	Nioqquteqarnermik ingerlatsivik	2
Nuummi JET A-1-imut ikummatisaasivik	Polaroil	2





SAMMISAQ QARASAASIakkut SULERIUSEQALERIARTORNEQ, SULERIUTSIT NAKKUTILLIINERILLU

KNI niuernermik ingerlatalittut ineriertortissagutsigu suleriutsitsinnillu pitsangorsaalluta taava qarasaasiaq atorlugu suliaqarsinnaaneq suleriutsitsinnillu paasinnilluarnissarput pitsangorsaanissarpullu pisariaqarpoq.

Qulequttami tassani suliniutissat KNI-p qarasaasiakkut suliaqarsinnaanermik aaqqiinissaanut siunnerfeqartinneqassapput taamalu ililluni pingarnertut niuernikkut ingerlatat pitsaunerusumik ingerlanneqarnissaat siunissamilu siuariartitsinissamik allanguutinullu qularnaarinnsutitut inerneqassallutik.

Taamatut eqqummaariffiginnilluni suliniuteqarniarnermi matuma kingorna taaneqartunik pingarnersiuiffiussaaq:

Ateq	Immikkoortortaq akisussaasoq	Pingaerner siuineq
ERP systemmik nutaamik atuuttunngortitsineq	Periusissiaq niuernikkullu ineriertortitsineq	1
Suleriutsit nakkutilliinerillu	Periusissiaq niuernikkullu ineriertortitsineq	1
Qarasaasiakkut suliaqarsinnaanngorsaaneq ingerlatsinermilu akiligassanik akuersisarneq	Aningaasaqarneq	2
Periusissiornermi ingerlatsineq aamma Nalunaaruteqartarneq	Periusissiaq niuernikkullu ineriertortitsineq	2
Kni.gl-ip isikkuata imaasalu nutaanngortinnerat	Nittarsaassineq	2
Sulisoqarnermi immikkoortortaqarfip qarasaasiakkut suliaqarsinnaanngorsarnera	Sulisoqarnermut immikkoortortaqarfik	2

SAMMISAQ SULISUT AAMMA SULISOQARNERMUT IMMIKKOORTORTAQARFIK

KNI suli nukittuninngorlugu ineriertortissagutsigu sulisut piginnaaneqarluartut sulisoriinnarsinnaasariaqarpavut sulisussanillu pikkorissunik nutaanik sulisussarsiniarternerput suli pitsangorsaavigisariaqarlutigu. Tamanna isumaqarpooq suliffimmi qaffakkiartornissamut periarfissat amerlanerusut, pitsaanerusut ersarinnerusullu pigisariaqarivut.

Suliffeqarfimmi kultureqarnerput siunnerfeqarluarluta sulisut ilisarisinnaasaannik isumassarsiorfigisinnaasaannillu attatiinnassavarput ineriertortillugulu - minnerungnitsumillu suliffeqarfitsinni naleqartitavut avammut annerusumik saqqummiuttassallutigit.

Kiffartuussivik sineriammilu sulisut akornanni pitsaanerusumik ataqtigiiifiusariaqarpooq, taamaattumik kiffartuussivimmiet suut naatsorsuutigineqarsinnaanersut ersarinnerusariaqarput.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaarners iuineq
Sulisussanik nutaanik orniginartunngorsaaneq sulisooreersullu sulisoriinnarnissaat	Sulisoqarnermut immikkoortortaqarfik	1
Ilinniartitaanerit sunniuteqarluartut, nittartakkakut ilinniartitsinermik ingerlatassaq ilanngullugu	Sulisoqarnermut immikkoortortaqarfik	1
Kiffartuussivimmie sinerissamilu suliassanik agguasseqqinneq	Pisortaqatigiit allatseqarfiat	2
Sulisut naammagisimmaarininnerat attatiinnarlugu	Sulisoqarnermut immikkoortortaqarfik	2
Sulisunut atugassarititaasunik naleqqussaaneq	Sulisoqarnermut immikkoortortaqarfik	3





Inuiaqatigiinni akisussaaqataaneq - CSR

Nunarput tamaat ingerlataqarfigitsigu inuppaasuit inuunerannut ulluinnarnilu atugaannut assorsuaq sunniuteqartarpugut - pingartumik inammillerneqarata kisiartaalluta ingerlataqarfitsinni. Taamatut inissismanitsinni inuiaqatigiinni annertuumik akisussaaffeqarpugut.

Piginnaasaqarfivut suliaqarfivullu tunngavigalugit inuiaqatigiinni akisussaaqataanitsinni nunarsuaq tamakkerlugu anguniakkat ilaanni sisamanik ingerlataqarpugut: Peqqissuseq Atugarissaarnerlu, Ilinniartitaaneq Pitsaassusilik, Akisussaassusilimmik Atuineq Nioqqutssiornelui kiisalu Suleqatigiinnikkut Anguniagaqarneq

Taamatut eqqummaariffiginnilluni suliniuteqarniarnermi matuma kingorna taaneqartunik pingarnersiuiffiussaaq:

Ateq	Immikkoortortaq akisussaasoq	Pingarde rsiuineq
Nunarsuarmi anguniagaq 3 - Peqqissuseq Inuunerissuunerlu	Pisortaqtigijit allatseqarfiat	2
Anguniagaq 4 - Pitsaassusilimmik ilinniartitaaneq.	Pisortaqtigijit allatseqarfiat	2
Nr. 12 – Akisussaassuseqaertumik atuineq tunisassiornerlu	Pisortaqtigijit allatseqarfiat	2
Anguniagaq 17 – Suleqatigiinnikkut anguniagaqarneq	Pisortaqtigijit allatseqarfiat	2

